

Oqaasiliortut ataatsimiinnerat

Ataasinngorneq, apriliip 29-anni 2013, nal. 10.00
Oqaasileriffimmi.

Peqataasut: *Carl Chr.Olsen, Stephen Heilmann, Eva M.Thomassen aamma Katti Frederiksen.*

Allatsi: *Katti Frederiksen*

LH ullaatungaa nalunaarpoq peqataasinnaajunnaarluni.

Oqaluuserisassatut siunnersuutit:

1. Tikilluaqqusineq aamma ilisimatitsissutit.
Siulittaasoq tikilluaqqusivoq Torontomullu angalasiimanini ilisimatitsissutigalugu. Tassani Issittumi Siunnersuisoqatigiit marsimi ataatsimiissimanerat nalunaarutigaa. Issittumi oqaatsit pillugit suliaassat pingasunik immikkoortullit sammineqarsimapput, tassaasut:
 - a) oqaatsit uummaarissusiinnik misissuinissaq
 - b) oqaatsinut politikeqarneq, kiisalu
 - c) oqaasertusiartorneq.

Ilisimatoq Mary Jane Norris saqqummiussisorineqarsimavoq, misissuinermilu uuttuutit tamanut atorsinnaasut qanoq iluseqarsinnaanissaat atorsinnaanissaallu misissorneqassasut isumaqatigiissutigineqarsimavoq. Misissuineq naammassippat Issittormiut oqaasiini kisitsisit annertunerpaat pigineqalissapput, taakkununga ilanngullugit Saamit Indianerillu oqaasii.

Tassunga aamma tunngatillugu SH-p eqqaavaa maani nunatsinni oqaasertusiartorneq eqqartorneqartillugu aamma oqaasikilliartrorneq eqqartussallugu pisariaqartoq, ilaatigut nutserinermi danskisullu eqqarsarnermi aallaavilimmik atuukkiartuinnartoq.

Aappaattut ilisimatitsissutigineqarpoq suliffeqarfeeqqamik namminersortumik Robobrillemik Oqaasileriffiup Naalakkersuisoqarfiullu ataatsimeeqateqarsimanerat. Taanna kalaallisut atuffassissummik suliaqarniartoqarneranik suleqatissarsiornermik aningaasanillu pissarsiornermik siunertaqarpoq. Atuffassissummik peqalernerup isigiarsuttut, tappiitsut, tusilartut, atuarniarnermikkut ajornartorsiutillit allallu ikiorsersinnaalissavai.

Matumani ataatsimiinnermi maanna Oqaasileriffimmit suliaasimasut, pingaartumillu atuffassissut Marthamik taasaq saqqummiunneqarput. Oqaasileriffimmit erseqqissaatigineqarpoq inuttaqarnikkut aningaasaliissutitigullu maanna periarfissaalatsineq. Periarfiusinnaasorli tassaavoq Oqaasiliortut suliami aqutsinermi

ilisimasalittut nalilersuisussatullu peqataasinnaanerat.
Oqaasileriffimmiit makkua periarfissatut taakkartorneqarput:

Oqaasileriffimmi Ilinniartutut atorfiliisinnaaneq, piumasaaqatigalugu immikkut ilinniakkamik ingerlaasiliornissaq, sulineq aqqutigalugu akisussaaneruleriartornissaq nunatsinnilu ilisimat ilisimatusaatit suliallu aallaaveqarnissaannik qulakkeerinnineq.
Maannakkutut Oqaasileriffik inissisimatillugu Robobraillekkunnit suliaasat aqunneqarneranni ingerlanneqarnerannilu peqataasussamik Oqaasiliortunit toqqaasinnaanissaq periarfissaassaaq.

2. Kingullermik ataatsimiinnermit imaqarniliap akuerineqarnera.
Kingullermik ataatsimiinnermit imaqarniliaq taamaatillugu akuerineqarpoq.

3. Saaffiginnissutit:

a) Atuagaateqarfimmit saaffiginnissutit ima inaarneqarput:

billedværker	eqqumiitsuliatut assilialiat
byliv	illoqarfimmi inuuneq
drilleri	qinngasaarineq
døden	toqu
folkeviser	ileqqorsuutit
grønlandsk grammatik	kalaallisut oqaasilerissutit
grønlandsk sprog	kalaallit oqaasii, kalaallisut
hjernesvulster	qaratsami tinusoqarnerit
Ilulissat Isfjord	Kangiata Sullua
Koreakrigen	Koreami Sorsunneq
landliv	nunaannarmi inuuneq
lymfekræft	imerajukkut kræfteqarneq
mobning	malersuineq, pimmatiginnineq
musiketnologi	inuiaat nipilersortaasiinik ilisimatusaatit
plakatkunst	eqqumiitsuliatut allagartarsualiat
radiokommunikation	radiukkut attaveqaqatigiinneq
socialpædagogik	inunnik perorsaaneq
socialpædagogisk arbejde	inunnik perorsaanermi sulineq
socialpædagogisk uddannelse	inunnik perorsaasutut ilinniarniq
socialt arbejde	isumaginninnermi sulineq
tandsundhed	kigutigissuuneq
udstillingskataloger	saqqummersitanik ujarliutit
folkesundhed	innuttaasut peqqissuunissaat
sundhedspolitik	peqqissuunermik politik

b) Ilimmarfimmi taaguutit akuereqqusat:

Inuiaqatigiilerinnermut Immikkoortortaq
Afdeling for Samfundsvidenskab

Inuiaat Kultureqarneranni Oqaluttuarisaanerannilu Immikkoortortaq
Afdeling for Kultur- og Samfundshistorie

Inuussutissarsiornermi Oqaatsinut Nutserinermullu Immikkoortortaq

Afdeling for Erhvervsprog og Oversættelse

Inoqutigiit Atugaannut Immikkoortortaq
Afdeling for Sociale Forhold

Oqaasilerinermut Atuakkialerinermut
Tusagassiutilerinermullu Immikkoortortaq
Afdeling for Sprog, Litteratur og Medier

Tusagassialerinermut Immikkoortortaq
Afdeling for Journalistik

Upperisarsiornermik Immikkoortortaq
Afdeling for Teologi

Ilinniarfissuaq – Ilinniartitsisunngorniarnermut Immikkoortortaq
Afdeling for Læreruddannelse

Inerisaavik – Atuartitseriaatsinut Immikkoortortaq
Afdeling for Uddannelsesvidenskab

c) Oqaaseq *bræt* pillugu saaffiginnittoq akineqassaaq danskisut bræt tas-
saammat qisuk nerriviusaq qanga kalaaliminernik tuniniaanerminni ilitsivi-
galugu nerrivigisartagaat. Taamaattumik ajortumik arlaatigut isumaqarne-
ranik imaqarani.

d) kontaktelever - **atuartut attaveqatigiit**
kontaktlærer - **ilinniartitsisoq attaveqarfik**
kontaktfamilie - **ilaqutariit attaveqarfigisat**

e) Oqaatsip igalaap qanoq isumaqarneranik paasiniaasoqarpoq. Saaffiginnit-
toq nalunaarfigineqassaaq oqaaseq taanna suli misissugassaasoq. Compara-
tive dictionary malillugu 'igaler' tassaavoq tuluttut smokehole, tamannalu
Yup'it illuanni illup qinganut taaguutaavoq. /i/ tassani pineqarpoq Inuit
oqaasiini fonemit sisamarisimasaat, kingorna i-tut -utullu saqqummersartoq
(qaqutigullu a-tut). Igaleq qanga kalaallit illuanni torsuummiittarpoq, tassa
illup silallu 'attaveqaataatut' atuuffeqarluni, igalaarlu arlaatigut aamma
taamatut paasineqarsinnaaratarsinnaanera misissoqqinneqassaaq.

f) Taaguutit Avannaamioqatigiit Ministerrådiannit misissoqquneqartoq naq-
qiissuteqarfigineqarluni uterteqqinneqassaaq. Taaguutit quppernerna kingul-
lerna takuneqarsinnaapput.

g) tegningsregler kalaallisut ima taaguuteqassasoq isumaqatigiissutigineqar-
poq: **[sinniisutut] atsiorsinnaatitaanermut malittarisassat**

h) klimaændring kalaallisut: **silap pissusiata allanngornera.**

i) Tae Kwon Do-mi taaguutit Oqaasiliortunit siunnersuusiorfigineqarlutillu akuerineqartut pillugit apeqquteqartoqarpoq siuliini oqaasertaasa maannakkullu oqaasertariligaasa suut assiginngissutigineraat. Matumani saaffiginnittoq akineqassaaq oqaasertaat siulliit ilaatigut eqqoqqissaartunik oqaasertalerneqarsimannimmata kukkunertaqarlutillu ilaatigut nutsinnagarpaluppallaartut. Assersuutigalugu Integrity danskisut ærlighed kalaallisut peqqusersuissusermik taaneqarsimasoq ima allanngortinneqarpoq: *unneqqarissuseq*. Siullermik taaguutaa ajortumik pinaveersaagassamik imaqarpoq, tassa naggiugamiuk *peqqusersooq*, tassa ajortumik isumalik. Alla aamma self-control taamatut kalaallisut oqaasertalersimanera siullermik eqqoqqissaannigmat allanngortinneqarpoq. Saaffiginnittup oqaatsit nalornisani pillugit apeqquteqaqqissappat allatsimit nassuiaanneqaannarnissaa isumaqatigiissutigineqarpoq.

j) Uumasut taaguuterpassui Pinngortitamut Naalakkersuisoqarfimmit apeqqutigineqartut qanoq suliarineqassaneri pillugit Oqaasiliortut eqqartuipput. Uumasorpasuit nunatsinni uumasuunngitsut, taamaattumillu taaguuteqartinngisavut suunerinik taaneqaannartassapput immikkoqqissaaq aalajangersimasunik taaguusersunngikkaluarlugit. Assersuutigalugu trane qarluutitoorsuummat prærietranemik (qarluutitoorsuit ilaannik) taaneqaannassaaq. Taaguutit aamma sinneri allat taamaaliorneqassasut Oqaasiliortut isumaqatigiipput, taaguuteqaanngippatali naggueqatitta taaguutaannik misissuereernikkut danskisut taaguutaannik oqaasersiatut atuuttunngortitsisariaqaannassalluta.

Nunap qanoq ittuuneranik, naasunik assigisaannillu taaguutit pillugit nassuiaatinik tigusaqarnissaaq utaqqimaassallugu isumaqatigiittoqarpoq. Taaguutit Europamiorpaluttut, ilaatigullu suuneriluunniit ilisimanngisatsinnik kalaallisut taaguusiiniarsinnaaneq ajornakusoomat saaffiginnittup nassiussaminik nassuiaataasunik ilalerlugit nassiusseqqinnissaaq utaqqiinnarneqassaaq.

4. Allat

KNR-imit saaffiginnittoqarpoq lykkepiller kalaallisut qanoq taaguuteqarnersut apeqqutigalugu. Katersani isumatsangaarnermut iisartakanik taaneqarsimagaluartut, taamaattoq KNR-ip siornatigut atuisimanera maliinnarlugu Oqaasiliortut taaguutissatut akueraat: **ii-sartagaq nanertisimanaveersaat.**

Inussiarnersumik inuulluaqqusilluta
Carl Chr. Olsen
Siulittaasoq

Katti Frederiksen
Allatsi